



kat. komp.
43704

I Mag. St. Dr.

P

*Sulcii Joannis Craci Theses medicae
de arthritide et lithiasi.*

Patavii 1619.

~~Medye 665~~

THESIS

MEDICÆ

DE ARTHRITIDE

ET GOUTA

AD DISPUTANDVM

PROFECTVS

AVGVSTO GIMNEZIO


AVGVSTO GIMNEZIO

AVGVSTO GIMNEZIO

AVGVSTO GIMNEZIO



Faint, illegible text at the bottom of the page, possibly a printer's mark or publisher information.



THESES
MEDICÆ

DE ARTHRITIDE
ET LITHIASI

AD DISPUTANDVM
PROPOSITAE

IN FLORENTISSIMO GYMNASIO
PATAVINO.

A

IOANNE SVLCIO CRAC.



Patauij Typis, Laur. Pas. Impress. Camer.

Superiorum Permissu.

1619.

Lopaski. D. 115.
L. 4. 46.

THESES
MEDICÆ

DE ARTHRITIDE
ET LITHIASI
AD DISPUTANDUM
PROPOSITÆ

IN FLORENTISSIMO GYMNASIO
P A V I N O.

43704

IOHANNES SVLCIO CRAC.



Patruj Thes. Law. P. de Jurisq. Canon.
Superiorum P. in
1619.

[Faint handwritten notes and signatures at the bottom of the page, including the number 101.]

ILLVSTRISSIMO

ET REVERENDISSIMO

PRINCIPI

AC DOMINO D.

LAVRENTIO GEMBICKI

ARCHIEPISCOPO GNESNENSI,

*Legato Nato, Regni Poloniae Primate, Primoq;
Principi &c. &c.*

Domino suo clementissimo.



IO. ANNES SULCIVS CRAC. *Felicitatem.*

IEnuia hæc ingenij mei
primordia in celeberrimo
totius orbis Gymnasio
Patauino publico certamini
proposita, Nomini Tuo Amplissimo,
ILLVSTRISSIME PRINCEPS,
dedico & offero: quem enim alium de

ligerem quàm TE, qui Primum Prin-
cipem & Primatem Regni Polonię
cùm agis, hoc etiam bonum agere vi-
deris, vt optimę literę, quibus Rei-
pub. salus & dignitas continetur,
quàm florentissimę existant? Quod
& ipse abundè sum expertus, cùm Il-
lustrissimę Celsitudini Tuę supremã
in nostro Regno Archiepiscopatus
dignitatem gratularer, meam illam
in dicendo balbutiëntem infantiam
laudatissimo Tuo ore laudaueris; tan-
tamq; in posterum humanitatem ac
clementiam Illustrissimę Celsitudi-
nis in me propesam cognoui, vt eidẽ
mea studia per omnia dedicata & ac-
cepta esse exoptarem. Et cùm ad
Medicinę arcana peruestiganda ani-
mum meum appuli, illiusq; experimẽ-
ta publicè exhibere constitui, multũ
mihi gratulatus sum, quod iam diu
exoptatam occasionem nactus esẽ,
qua Illustris. Celsitud. meos litera-
rios

rios conatus consecrando, meã quoq;
effusam animi promptitudinem te-
stari possem: persuadeoq; mihi, Anti-
stes Reuerendissime, quod meã hãc
demissi animi erga Amplitudinem
Tuam obseruantiam, pro innata hu-
manitate & Clementia benigno ani-
mo suscipies, ac bene pro Tua singu-
lari sapientia hanc meam interpella-
tionẽ interpretaberis. His enim vir-
tutibus, præter generis nobilitatem,
augustam quidem illam, & planè re-
giam, cæteros quòd antecellas, vel
me tacente, summus dignitatis gra-
dus, in quem tãto optimorum homi-
num applausu euectus es, necessariò
comprobat; illi enim soli ad istam di-
gnitatem & honoris locum efferun-
tur, quibus maxima est cum virtute
coniuncta sapientia, cum sapientia
humanitas, & cum humanitate sum-
mus Christiane religionis cultus &
zelus. Hæc Serenissimum Regem Po-
loniæ,

lonia, cū TE Archiepiscopum re-
nunciatum esse voluit, nō latuerūt,
hæc de te omnis ordinis homines ple-
no ore prædicarunt, ac in eo Ecclesia
sticæ dignitatis fastigio collocatū ef-
se expetiuerunt, omnes enim tuam
insignem prudentiam, multiplicem
rerum scientiam, variam eruditionē,
raram incredibilemq; Clementiam,
ac deniq; summam pietatem agno-
scunt & laudibus ornant. Quod reli-
quum est, Præsul Amplissime, maxi-
mis quibus possū precibus obsecro,
vt meos conatus quàm commenda-
tissimos habeas; hoc si impetrauero,
optimè mecum actum existimabo,
quod me tunc certo putabo consecu-
turum, si hæc studiorum Tyrocinia
Celsitudini Tuę haud improbabun-
tur, quam vt nobis **DEVS OPT-**
MAX. incolumem atq; felicem quā
diutissimè seruet, ardentibus votis
precor. **VALE.**

DE

DE ARTHRITIDE ET LITHIASI.

I. V



Arthritis à loco affecto, diuersos occupans articulos, diuersum recipit nomen, vt in pedes decumbens *πόδαρχα*, in manus *χείραρχα*, in coram *ισχιάς*, in genua *γόναρχα*, in tendines *τενδοῦαρχα* appellatur: Si verò in multos incidat articulos, tunc verè & propriè *ἀρθρίτις* nuncupatur.

Hęc potest fieri ex sola intemperie, ita vt sine vlllo alio morbo nuda intemperies possit articulares dolores efficere.

Dolor articularis quemadmodum fit in nerueis partibus, constituētibus articulum: ita etiam eundem dolorem posse fieri in ossibus sustinemus.

Dolores articulares fiunt à pituita plerumq; & à bile, vel æqualiter abundantibus, vel altero ipsorum humorum prædominante: fit quoq; interdum à sanguine.

Hinc opinio Fernelij viri alioqui doctissimi non videtur rationi consentanea, asserentis, duntaxat à pituitoso humore fieri Arthritidem, & omnem frigidam esse, & ex frigido humore genitam.

V I.

Materia efficiens Arthritidem non semper colligitur

tur in capite, interdum enim colligitur tam secundum intimam, quam secundum extimam partem, interdum etiam colligitur in alijs corporis partibus, præsertim autem in intimis, atq; visceribus.

V I I.

Causæ Arthritidis sunt præcipue humoris superflui ad articulos affluxus, & articularum debilitas aded vt sine his Arthritis fieri non possit: neq; enim dolor articularum non ab humore superfluo factus, proprie Arthritis est, neq; is ipse in membro non debilitato locum habere potest. Quæ res facit, vt quicquid articulos debilitat, vel humores superfluos generat, vel generatos ad fluxionem commouet, Arthritidis causâ esse possit.

V I I I.

Ex quibus causis aliæ procatarcticae sunt seu externæ, aliæ internæ. Ad externas referuntur vita desidiosa, exercitium immoderatum & intempestiuum, vini præsertim fortioris ingurgitatio, nimius alimentorum eorundemq; vitioforum esus, Venus immodica, somnus immoderatus meridiana, casus, contusiones, luxationes, balnearum frequentior vsus, equitatio crebra, aeris intemperies, & his similia.

I X.

Ad internas easq; antecedentes causas pertinent viscerum præsertim cerebri, epatis, & ventericuli intemperies, suppressa aliqua consueta & naturalis euacuatio, quæ fit per nares, vrinas, sudores, & id genus alia, articularum debilitas, calor vel dolor, meatuum laxitas, corporis *πλεθώρα* vel *κακοχυμία*.

Signa

X.
Signa Arthritidis desumuntur ex substantialiter
inhærentibus, ex temperatura, ex coloribus, ex mo-
tu veloci vel periodico, vt de tertio in tertium est bi-
lis, de quarto in quartum melancholia, & quotidianus
motus est pituita.

X I.

Indicationes sumuntur à quatuor fontibus, à ma-
teria peccante, à membro mandante, auferendo in-
temperiem lædentem eius actionem, à membro re-
cipiente, auferendo debilitatem vel laxitatem adstrin-
gentibus, & à vijs per quas materia excurrit densando
& interceptando.

X I I.

Inter remedia præcipuum consistit in moderando
sex res non naturales, & præcipue in victu modera-
to: refert enim D. Hieronymus, multos Podagri-
cos ad paupertatem redactos, tandem fuisse libe-
ratos.

X I I I.

Profunt in genere Arthriticis cibi generantes suc-
cum non valde humidum aut ad fluxionem paratum,
quales sunt aues montanæ, perdices, gallinæ: potest
etiam admitti caro vitulina atq; hédina. Ex piscibus
saxatiles probantur. Ex fructibus pyra atq; Cydonia
maximè conferunt, vt quæ post ingressum cibum as-
sumpta, non solum os ventriculi constringendo, ascen-
sum vaporum prohibere, sed & ventriculum roboran-
do concoctionem iuuare possint.

X I I I I.

E contra verò vitentur illa, ex quibus superflui
humores vel generantur, vel ad fluxionem commo-

B ueri

ueri possunt, quæq; caput replent facile, aut conco-
ctu difficiliora existunt: Tales sunt aues aquaticæ, hu-
midum admodum atq; excrementitium alimentum
generantes, carnes suille, bouinæ, aut fumo exsiccatae,
pisces molliores in stagnis degentes. Sinapi item, allia,
cape & raphani vitandi sedulo, utpote quæ cerebrum
repleant atq; fluxiones facile proritent.

X V.

Potus Arthriticorum, si materia fuerit calida, sit
aqua hordei; si frigida, sit aqua, in qua Cinnamomum
aut Mastiche, aut semina Coriandrorum, vel Anisorum
sint decocta.

X V I.

Ceruifia, quæ est potus populis ijs qui Aquilonar-
es regiones incolunt, non videtur conuenire, cum pe-
des facillime petat, ac valde illis officere soleat, qui
obnoxij sunt fluxionibus, ob vim quam obtinet ape-
riendi.

X V I I.

A vino prorsus abstinendum est (nisi ventricu-
li imbecillitas aut consuetudo diuersum suadeat) quod
dicat Aegineta, abstinentes in totum à vino, omnes
morbo leuatos esse: alios enim in morbi confestim e-
xordio prorsus conualuisse, alios verò postmodum ra-
rius & minus grauibus accessionum doloribus vexa-
tos fuisse.

X V I I I.

Excrementa alui si quotidie non deiciantur, arte
prouocanda erunt, idq; vel lenientibus per os exhibi-
tis, vel Clysterijs iniectis aut suppositorijs: siq; natura-
lis aliqua euacuatio sit suppressa, ea reuocanda erit.

X I X.
Totius quoque corporis habenda est diligenter ratio, vt si prauis redundet humoribus, ij pro diuersitate humorum, rirè præmissa nempe debita præparatione, diuersis educantur pharmacis.

X X.
Venæ sectio plurimum iuuat in Arthritide, potissimum si adsit sanguinis redundantia. Conferunt quoq; Cucurbitulæ post scarificationem, similiter Cauteria: quod si dolor sit in omnibus articulis, Cauteria non conducunt, si in aliquibus partibus, conducunt.

X X I.

Alia remedia quibus reuulsio solet fieri, vt sunt frictions, ligaturæ, & his similia, in Arthritide, præsertim in Podagra, neque cum fructu, neque tutò admistrantur.

X X I I :

In purgatione, si humores fuerint crassi, maxime cauendum à medicamentis euacuantibus serosos humores, vt sunt Elaterium, Scammonium, Salapa, Gum miguttæ, Granum Cnidium, quia inde humores crassi relinquuntur, & sunt rebelles coctioni.

X X I I I.

Decocta summè iuuant in intemperie frigida, sicut est decoctum Ligni Sancti: in materia calida Rad. Chinæ & Salsæ, hæc etenim, si quid aliud, cerebrum, aliasq; corporis partes strenuè exsiccant: & post decoctum, Theriacæ & Mithridati confectiones conferunt.

X X I I I I.

Balnea aquæ dulcis, si humores sint crassi, Arthritidi maxime sunt nociua: vias enim aperiunt, humores colliquant, & eos reddunt fluxibiles. Similiter nociua

ciua sunt balnea sulphurea, cum absumant tenue, & inde facile lapidescat humor crassus.

XXV.

Narcotica externa vt Opiata non conueniunt, quia laedunt calidi natiui partes, neq; dolores mitigant extrinsecus administrata, quoniam non deducuntur à potentia ad actum à partibus externis, sed solum à calore interno: quando per os sumuntur, tunc incrassant spiritum & mitigant dolorem, quoniam est immediatum instrumentum sensus.

XXVI.

Pro praeseruatione Arthritidis, cauendum diligenter à causis procatarteticis, seruando moderatam victus rationem. Corpus à vitiosis humoribus praemissa idonea preparatione, Vere & Autumno, quo tempore humores collecti fundi & moueri solent, quotannis purgetur, & sanguis si videatur redundare mittatur.

XXVII.

Quin & extra iam commemoratum tempus, purgationes saepius repetita, ad Arthritidis praeseruationem plurimum conferre possunt; assuescit enim hac ratione natura paulatim excrementa corporis ad intestina deponere, priusquam cum impetu in articulos fluant.

xxviiij.

Hoc quoq; ad praeseruationem Arthritidis requiritur, vt partes recipientes non negligantur. Eas itaq; ab humoribus superfluis prius mundatas, conuenit idoneis medicamentis, adstringentibus nimirum & exsiccantibus forinsecus adhibitis corroborare, ne neglecta sentina corporis fiant, ad quam excrementa magna ex parte à reliquis partibus protrudantur.

Arthritis

XXIx.

Arthritis & Lithiasis ab vno ferme humore proueniunt: nam illa pituita quæ concreuit in renibus eiusdem est naturæ ac est illa quæ articulos obsidet.

XXX.

Lithiasis causæ adæquatæ non sunt crassi lenticæ humores & caloris excessus, sed lati & reclusi meatus hepatis, venarum emulgentium & renum qui necessariò in calculorum vel arenularum generatione concurrunt.

XXXI.

Hinc errant illi Empirici, qui refrigerant senes lithiasis passione affectos qui destituuntur calore natiuo: refrigerant enim aquis Thermarum, sero lactis, seminibus Melonum & aliis refrigerantibus, credentes excessum caloris necessariò concurrere ad gignendum calculum.

XXXII.

Errant quoq; qui putant Calculum in renibus & vesica existentem frangi posse medicamentis per os assumptis, vt succo Citri, Electuario de Vitro, decocto Saxifragiæ, Verbene, Cinere Scorpionum, Hirsi sanguine, & similibus: hæc etenim materiæ nec diminutè nec abundanter possunt calculum frangere vel comminuere; quare erunt remedia externa & transcendentia.

xxxIII.

Lithiasis laborantibus diuretica sunt perniciofa, quoniam ad loca illa affecta, alia plura recrementa secum rapiunt & morbum intendunt, meatum aperiunt, calculum

.LXX

culum circumuentum viscosa pituita denudant, illūq;
inæqualem & asperum reddunt, qui ob asperitates adeo
pungit, vt post breue deinde spatium vlcus ex itiosum
efficiat.

X XXIII.

.XXX

Verū si partes illæ fuerint refrigerandæ & contem-
perandæ, diuretica frigida, vt lac feminum melonum
& alia id genus summè conferunt.

XXXV.

In arenularum dolore sæuisimo, præstantissimum
remedium est Vomitus, statim enim mitigantur dolo-
res, quia loco ab impetu vomitus arenulæ dimouetur.

*Disputabuntur publice sub felicibus auspicijs Per
illustris D. IOANNIS DOMINICI Maresii Vi-
centini, Almae Uniuersitatis DD. Artistarum
Syndici Dignissimi. Die xx. viij. Mensis Aprilis
Hora & loco consuetis.*

iq;
co
im
deb

m
m
m
m
m
m
lo
ur.

u
u
u
u
er
i-
m
is
p
g
m
d
p

n
r


BIBLIOTE. UNIV.



JACELLONICAE

[Blank rectangular label on the left edge of the page]

Biblioteka Jagiellońska



stdr/0029354

